

Aningaasaqarnermut Ataatsimiititaliap suliaq nr. 01.31.06/08-00370 pillugu sapaammi ulloq

21. september 2008-mi aalajangiinera pillugu Naalackersuisunut ilisimatitsineq.

(Naalackersuisut siulittaasuata ulloq 17. september 2008-mi aalajangiinerani nr. 328)

Qasigianguani efterskolip suliariumannittussarsiuunneqarnera

Naalackersuisut **inassutigaat**,

- Qasigianguani efterskolimut suliariumannittussarsiuussinerup inernerana tiguneqartoq piviusunngortinneqassasoq,

- kontomi pingaarnermi 84.40.18-imi, Atuarfiup illutaanut allanut tunngasumi, suliassamut nr. 110.59.002-mut, Qasigianguani efterskolimut tunngasumut, aningaasaliissutit 11.597.000 kr.-inik amerlineqassasut.

- kontomi pingaarnermi 89.72.11-mi, Nammineq inissianik tapiissutitalimmik sanaartornermut tunngasumi, suliassamut nr. 996.37.056-imut, Nammineq inissianik tapiissutitalimmik sanaartornermut tunngasumut, aningaasaliissutit 2008-mi 11.597.000 kr.-inik ikilineqassasut.

Aningaasaqarnermut Ataatsimiititaliap oqaaseqaatai

Qasigianguani efterskolilliornissamut pilersaarummut 33 mio. kr.-it 2008-mi aningaasanut inatsimmi immikkoortinneqarput. Sanaartugassaq ulloq 7. august 2008 suliariumannittussarsiuunneqarpoq. Missingersuut A 44,2 mio. kr.-inik annertussuseqarpoq. Tamanna tunngavigalugu 11,6 mio. kr.-inik ilassutitut aningaasaliissuteqarnissaq Naalackersuisut qinnutigaat.

Suliami aalajangiisoqartinnagu apeqqutit matuma kinguliini allassimasut akissuteqarfigin eqarnissaat ataatsimiititaliap kissaatigaa.

Naalackersuisoqarfiit ISIIN aamma AAN isummernissamut tunngavissiamut oqaaseqaateqarsimanngitsut tusarniaaneq pillugu immikkoortumi allassimavoq. Aammattaaq Aningaasaqarnermut Naalackersuisoqarfik (ANAN) tusarniarneqarsimasoq tassani allassimavoq. ANAN-ili oqaaseqarsimanersoq allassimanani. Tamanna Naalackersuisut Missingersuusiornermi malittarisassaannut 2008-meersumut toqqaannartumik akerliuvoq, tassani immikkoortoq 4.3-mi allassimammat:

"Naalackersuisut isummernissaannut tunngavissiami allanneqassaaq isummernissamut tunngavissiaq Aningaasaqarnermut Nunanullu allanut Naalackersuisoqarfimmi kiisalu naalackersuisoqarfinni allani tusarniutigineqarsimasoq oqaaseqaatillu naleqqussarlugit ilanngunneqarsimasut."

1. Aningaasaqarnermut Ataatsimiititaliap isummernissaanut tunngavissiaq missingersuusiornermi malittarisassami aalajangersagaq allassimasoq naapertorlugu sooq suliarineqarsimanngila?

Aningaasaqarnermut Ataatsimiititaliamut qinnuteqaammi tusarniaaneq pillugu immikkoortumi ima allassimavoq:

"Tusarniaaneq

Naalackersuisut isummernissaanut tunngavissiaq Aningaasaqarnermut Nunanullu Allanut Naalackersuisoqarfimmut (ANAN), Inuussutissarsiornermut, Suliffeqarnermut Inuussutissarsiutinullu Ilinniartitaanermut Naalackersuisoqarfimmut (ISIIN) kiisalu Attaveqarnermut, Avatangiisinut Aatsitassanullu Naalackersuisoqarfimmut (ANN) tusarniaassutigineqarpoq. ISIIN, ANN tunngavissiamut ilassutissaqarsimanngillat."

Missingersuusionermi malittarisassami maleruagassiaq siuliani allassimasoq unioqqutillugu Aningaasaqarnermut Ataatsimiititaliap isummernissaanut tunngavissiami ANAN-ip tusarniaanermut akissuteqaataa ilanngunneqarsimanersoq erseqqissumik allassimangimmat tusarniaanermut akissutip nuutinneqarneranik pissarsisitinneqarnissani allattoqarfini aqcutigalugu ataatsimiititaliap qinnutigaa. Tusarniaanermut akissut tamatuma kingorna nassiunneqarpoq. Tusarniaanermut akissuteqaatikkut pineqartukkut ilassutitut aningaasaliissuteqarnissamik qinnuteqaat sakkortuumik uparuarneqartoq ataatsimiititaliap paasivaa.

2. Sakkortuumik uparuarnermik imalimmik tusarniaanermut akissuteqartoqarsimanagera Aningaasaqarnermut Ataatsimiititaliamut qinnuteqaammi Naalakkersuisut soq paasissutissiissutiginnigilaat?

3. Immikkoortut ataasiakkaat ANAN-ip tusarniaanermut akissuteqaataani allassimasut tamarmik immikkut Naalakkersuisunit aalajangersimasumik isummerfigineqarnerannik pissarsisinneqarnissani Aningaasaqarnermut Ataatsimiititaliap kissaatigaa.

4. Suliami tusarniaanermut akissutit allat tamakkiisut nuutinneri kissaatigineqarput.

Tusarniaaneq pillugu allatat siuliani issuaavigineqartut ima atuartussamit paasineqarnissaat siunertaralugu oqaasertaligaasimasorinarput; qinnuteqaammut atatillugu malittarisassat tamarmik malinneqarsimasut. Malittarisassalli tamarmik malinneqarsimangillat.

Tassunga atatillugu Naalakkersuisunut ilaasortat akisussaanagerat pillugu Inatsisartut inatsisaanni nr. 6-imi, 13. maj 1993-imeersumi § 6 Aningaasaqarnermut Ataatsimiititaliap eqqumaffigeqqussavaa. Aalajangersagaq ima oqaasertaqarpoq:

"§ 6. Naalakkersuisunut ilaasorta § 10 naapertorlugu pineqaatissinneqassaaq piaaraluni imaluunniit mianersuaalliorujussuarnermigut Inatsisartut Naalakkersuisullu pillugit Inatsisartut inatsisaat inatsisilluunniit allat malillugit imaluunniit atorfimmi suunera malillugu imminut pisussaaf f igisassanngortitaasut malillugit iliunngikkuni.

Imm. 2. Imm. 1-imi aalajangersagaq aamma atorneqartassaaq Naalakkersuisunut ilaasorta eqqunngitsumik paasinerluutaasinnaasumilluunniit inatsisartunut paasissutissiisimappat imaluunniit inatsisartut oqaluuserisassamik oqaluuserinninneranni paasissutissanik oqaluuserisap inatsisartunit aalajangiiffigineqarnissaanut annertuumik pingaaruteqartunik nipangiussisimappat."

5. Isummernissamut tunngavissiami tusarniaaneq pillugu allassimasut kukkusuusut taamatullu eqqunngitsumik paasissutissiisuusut Naalakkersuisut aammalu Aningaasaqarnermut Ataatsimiititaliap isummernissaannut tunngavissiamik atsiorderminni Kultureqarnermut, Ilinniartitaanermut, Ilisimatusarnermut Ilageeqarnermullu Naalakkersuisup ilisimavaa? Taamaassimangippat iliuitsit aalajangersimasut qanoq ittut Naalakkersuisunut ilaasortap aallartilersaarpai?

6. Naalakkersuisunut ilaasortat akisussaanagerat pillugu Inatsisartut inatsisaanni aalajangersakkap matuma siuliani issuarneqartukkut killissarititaasut maleqqissaarlugit Kultureqarnermut, Ilinniartitaanermut, Ilisimatusarnermut Ilageeqarnermullu Naalakkersuisoq iliuseqarsimasut Naalakkersuisunit isigineqarpa?

Aningaasaqarnermut Ataatsimiititaliap isummernissaanut tunngavissiaq paatsiveqanngilaq ataqatigiinnanilu. Tamanna isummernissanut tunngavissiat Kultureqarnermut, Ilinniartitaanermut, Ilisimatusarnermut Ilageeqarnermullu Naalakkersuisumeersut eqqarsaatigalugit nalinginnaaleraluttuinnarpoq. Tamatumani pitsanngorsaasoqartariaqarnera Aningaasaqarnermut

Ataatsimiititaliap siusinnerusukku arlaleriaqalunitikkuareeraluarpa. Naak suliariumannittussarsiuussineq 7. august ingerlanneqaraluartoq isummernissamut tunngavissiap pitsaassusissaata annikitsuararsuarmik qulakkeerinniffiginiarneranut Naalakkersuisut allattoqarfiata piffiss arujussuarmik atuisariaqarsimanera suliap ataatsimiititaliamit suliarineqartussanngorlugu aatsaat maanna tiguneqarneranut pissutaasut ilagigaat Aningaasaqarnermut Ataatsimiititaliamit ilisimaneqarpoq. Naak piffissarujussuaq atorneqaraluartoq taamatut pitsaassusissamik qulakkeerinnineq naammassimanngilaq. **7.** Missingusiaaqaartup pitsaannginnera pissutigalugu Naalakkersuisut Aningaasaqarnermullu Ataatsimiititaliap isummernissaannut tunngavissiap suliarineqarnerani tusarniaanernut qaammat sinnerlugu atorneqartariaqarsimammat Naalakkersuisut naammaginartutut isigaat?

8. Naalakkersuisut suliamik namminneq piareersaanerannut qaammat sinnerlugu atorneqarsimammat Aningaasaqarnermullu Ataatsimiititaliaq akunnerit 24-it qaangiutinnginneranni suliamik nukinginnartumik suliarinnissasoq qinnuigineqarluni naammaginartutut pisariaqartutullu Naalakkersuisunit isigineqarpa?

Suliassa qarfik 84 aamma 89 pillugit inassuteqaatit. Suliassa qarfiit tamarmik Ineqarnermut, Attaveqarnermut Aatsitassanullu Naalakkersuisup ataani inissisimapput. Naalakkersuisulli isummernissaannut tunngavissiaq Kultureqarnermut, Ilinniartitaanermut, Ilisimatusarnermut Ilageeqarnermullu Naalakkersuisumit KIILN-imilu naalakkersuisoqarfiup pisortaanit atsiorneqarsimavoq. Ilisimasat malillugit siusinnerusukku taamaaliortoqaanngisaannarsimavoq.

9. Naalakkersuisoqarfiup allap suliassa qarfiata iluani aningaasaliissutinik nuussinissamik qinnuteqaammut Kultureqarnermut, Ilinniartitaanermut, Ilisimatusarnermut Ilageeqarnermullu Naalakkersuisoq sooq atsiortuua?

10. Kontomit pingaarnermut 89.72.11-mit, Nammineq inissianik tapiissutitalimmik sanaartornermut tunngasumi t, aningaasanik nuussinissamut Attaveqarnermut, Avatangiisinut Aatsitassanullu Naalakkersuisoq tapersiisimava?

11. Aningaasaliissuteqarnissamik qinnuteqaatip akuersissutigineqarnera nammineq inissianik sanaartornermut aammalu sulisartut nuttarnersinniarlugit ilungersuuteqarnermut qanoq kinguneqassava?

12. Naalakkersuisut isumaqatigiillutik qinnuteqarpat?

13. Maniitsumi, Sisimiuni Kangerlussuarmilu efterskoliugallartunik ullumikkut pilersitsisoqarsimavoq. Ukiup atuarfiusup 2008/2009-p kingorna efterskoliugallartut taakku ingerlaqqissinnaanngitsut Sisimiut aamma Maniitsup Kommunii kiisalu ilinniarfiit pineqartut erseqqissumik oqaatigisimavaat? Taamaassimanngippat efterskoliugallartut taakku 2009/2010-mi ingerlaqqissinnaannginnerannut uppersaammik nassiussisoqassasoq qinnutigineqarpoq.

14. Efterskoliugallartut illutamikkut ullumikkut naammaginartumik inissisimappat, taamaanngippallu naammaginartumik pitsaassuseqalersinniarnerat qanoq akeqartussatut tagginneqarsinnaava?

15. Qasigianguani pilersaarut kinguartinneqarpat taamaatinneqarpalluunniit ukiumi atuarfiusumi 2009/2010-mi efterskolernissamik inuusuttunut kalaallinut qanoq neqerooruteqartoqarsinnaava efterskolerfissalluunniit qanoq ittut pissarsiarineqarsinnaappat?

16. Efterskolimik suliariumannittussarsiorneq tunngavigalugu suliariumannittussarsiornerup inernera appasinnerpaaq missingersuutinit B-nit 26 pct.-inik annertunerusoq sanaartornermi

siunnersortip oqaatigigaa suliariumannittussarsiornerup inernerani takuneqarsinnaavoq. Tamanna tunngavigalugu neqeroorutit atorineqassanngitsut sanaartornermi siunnersorti kaammattuivoq. Taama siunnersorneqarneq sooq Naalakkersuisunit malinneqanngila?

17. Neqeroorummik akuersineq suliaasaqarfimmi siunissami sanaartugassatut pilersaarutini aningaasartuutitut qanoq kinguneqartussatut Attaveqarnermut Ineqarnermullu Naalakkersuisoqarfimmit nalilerneqarpa?

18. Ukioq manna kingusinnerusukkut imaluunniit 2009-p aallartinnerani nutaamik suliariumannittussarsiuussinikkut sanaartugassamut akikinnerusumik neqerooruteqarnermik kinguneqarsinnaasoq Attaveqarnermut Ineqarnermullu Naalakkersuisoqarfimmit nalilerneqarpa? Tassungalu tunngasumik nalinginnaasumik misilittakkat qanoq ippat?

19. Qasigiannuani sanaartugassamut tunngatillugu nutaamik sanaartugassaat kvadratmeterimut 25.500 kr.-eqartinneqarput iluarsaassassallu 16.500 kr.-inik akeqartinneqarlutik. Nuummi GU-mik allilerineq kvadratmeterimut 26.000 kr.-inik akeqarsimammatt qinnuteqaammi sanilliunneqarpoq. Nuummili sanaartornerujussuaq pissutigalugu Nuummi Qasigiannuanilu kvadratmeterimut akigitinneqartartut sanilliunneqarsinnaanngillat. Taamaattumik Qeqertarsuup Tunuani sanaartornermi kvadratmeterimut akigitinneqartunut sanilliuussinermik pissarsisinneqarnissani ataatsimiititaliap kissaatigaa.

20. Sanaartugassatut pilersaarummut aningaasaliissutitut sanilliullugu akisunerulerneranut pissutaasut ilaat tassaasoq illutat nutaanngitsut allanngortiterneqartariaqarnerat qinnuteqaammi allassimavoq. Pilersaarut nutaamik sanaartornissamut allanngortissallugu Naalakkersuisut isumaliutigisimavaat, taamaassimappallu tamanna qanoq akeqassava?

21. Efterskolimik pilersaarummut Qasigiannugit kommuniat qanoq aningaasartuuteqarsimava, taakkulu aningaasartuuteqarfinnut ataasiakkaanut qanoq agguataarsimappat?

22. Qasigiannuani illutat atorineqarsinnaanerit pillugu illutat teknikikkut inissisimanerannut tunngasumik Attaveqarnermut Ineqarnermullu Naalakkersuisoqarfik siusinnerusukkut kaammattuuteqarsimava?

23. Aningaasaqarnermut Ataatsimiititaliap isummernissaanut tunngavissiaq Naalakkersuisut siulittaasuannit ulloq 17. september 2008-mi akuersissutigineqarpoq. Naalakkersuisut tamarmiusut isummernissamut tunngavissiamik sooq akuersisuusimannngillat? Qangalu 17. septemberip missaani Naalakkersuisut ataatsimiippat?

24. Qinnuteqaatip Aningaasaqarnermut Ataatsimiititaliami suliarineqarnissaa siuarsarniarlugu naalakkersuinikkut aalajangiisartut Kultureqarnermut, Ilinniartitaanermit, Ilisimatusarnermut Ilageeqarnermullu Naalakkersuisoqarfimmit arlaatigut sunnarniarneqarsimappat?

Aningaasaqarnermut Ataatsimiititaliap aalajangiinera

Apeqqutitut siuliani allassimasunut Aningaasanut Nunanullu Allanut Naalakkersuisup akissutaanik ataatsimoortumik ataatsimiititaliap tigusaqarnissaata tungaanut Naalakkersuisut inassuteqaataannik isummerfiginninnissani Aningaasaqarnermut Ataatsimiititaliap **kinguartippaa**. Aningaasanut Nunanullu Allanut Naalakkersuisup akissuteqaataa piaarnerpaamik kingusinnerpaamillu 29. september 2008 kalaallisut danskisullu nassuteqquneqarpoq nuutinneralu elektroniskimik uunga nassuteqquneqarluni: nch@gh.gl

Inussiarnersumik inuulluaqqusillunga

Augusta Salling

Aningaasaqarnermut Ataatsimiititaliap siulittaasua